

薑齋先生詩文集

四

蘇子知

如學

PDG

落花詩 夕堂戲墨卷一

船山遺書五十二

衡陽王夫之譔

正落花詩十首

庚子冬初得些葺太觀諸老詩讀而和之成十首
以嗣有眾什尊所自始命之以正雅正也變非正
也雅有變變而仍雅則當其變正在變矣是故得
謂之正

弱羽殷勤亢谷風
息肩遲暮委牆東
銷魂萬里生前果
化血三年死後功
香老但邀南國頌
青留長伴小山叢
堂堂背我隨餘子
微許知音一葉桐

錦陣風雌奪葆幢萬羣茶火怯宵撻燒殘梁殿綳千帙擊
碎鴻門玉一雙十里荷香消汴寢三山芳草送吳降揚州
婪尾春猶在小住何妨眷此邦

蒸雲暄日儘淫威小檻低簷判不肥豐草但榮時則可啼
禽空絮是耶非枝枝葉葉蘇君在燕燕飛飛戴女歸昨寢
不成仙逕杳盈盈一曲問津稀

游魂化密故饒甘怕扇蜂潮鬧不堪憂寄上天埋下地雲
迷澤北夢江南吾何隨爾累累子我醉欲眠栩栩酣時向
天臺親報佛春愁癡在早除貪

昔昔回頭豔已輕苔情欲薄蘚相迎香遮蟻逕迷柯郡雨

浥鶯聲唱渭城傷砌可能別有主依萍取次但懷清陌桑
曲柳空相識我自非卿卿自卿

捲得垂簾試捲簾元來猶剩一枝尖逗紅髻髯回塘遠墜
玉參差曲岸添泯泯春流愁畫鷁娟娟疎影妬銀蟾懸鈴
買檻皆疇昔好護香鬢遠蝶嫌

賭命奔塵擲一緋千秋何有大椿園爭天晴雨邯鄲幟死
地合離玉帳機周易擊蒙凶不吝春秋讐戰義無譏朱殷
十步秦臺血恥向青陽賦式微

飄零無意反離騷譜牒宜收倩謝翺意北意南心自得如
鷗如鷺卜何勞三更露冷清同滴片月天低影倍高寂寞

琴心傳止息花奴莫弄小兒豪

歌亦無聲哭亦狂魂兮毋北夏飛霜蛛絲罥迹迷千目燕
啄香消冷一房世少杜陵憐李白印須唐珏葬姚黃蓉城
倘有華胥國半枕留仙我欲杭

高枝第一惹春寒低亞密藏了不安作色瞋風憑血勇消
心經雨瀟形殘三分國破棟心苦六尺孤存梅豆酸薄命
無愁聊斌媚東君別鑄鐵爲肝

續落花詩三十首

自冬徂夏泝落沿開拾意言以綴餘緩閒愁之屢
互夫續其贅矣贅者放言者也意往不禁言來不

禦閑或無託愁亦有云是以多形似之言歸於放
而已矣

暎水低垂帶影雙情來奔影委流淙浮浮終隔相思浦去
去空沿解佩江輕薄自矜雲想袂閒愁無那客臨窗懷貞
唯憶東籬伴青女相邀死不降

青門祖帳太荒淫春已迷陽可陸沈躡險擬看沒字碣涉
園聊對無絃琴梅知解紱宜名福華不揮金舊是歆風御
泠然踪跡遠但憑罔象試追尋

啼禽屢說不如歸占取三休第一機莫管柳枝穿鼠臂但
隨陵鳥化鼃衣幔亭錦繡仙何有寶塢珠璣佛亦非流水

還霑餘粉在迷香仍使寸丹違

春老誰生此甯馨流霞妬色月爭衡無愁綵仗迷天子不
夜春城背日兄泉涌珠璣供涕唾河傾金桂事煎烹臨風
一笑酸寒叟酷愛秋英得久名

雌黃削迹罷參訂

特丁切

幾問姚皇判尹邢炎德已成編腐

史白華無字上葩經春光漫數六身亥月影無疑有尾丁
偷眼蜻蜓今遠害入寥天一學鴻冥

輕盈無問少年時脫卸瓊瓏老更奇鵝鵲魚麗隨羽扇朱
干玉戚轉旌麾慙惶剪綵尋行墨杜撰空花擬合離無數
春風拘不得掀翻菽圃更憑誰

將軍畦下久歸來，狄相門前有未開。
吾與爾夫分用舍，公無困我試風雷。
黃冠紫陌千株菜，趙女南山一頃箕。
拾取殘英能幾客，杏壇凋謝赴王貽。

雜詠公無困哉漢書引之哉作我

宿莽餘芳總一邱，安能鬱鬱望山頭。
人分南北朕焉往，目異關河我始愁。
誰與蟲尸忙萬蟻，聊拚頸血躍雙鉤。
到來瓜蔓殘枝在，花雨臺前粉黛秋。

有時寂寞墜閒雲，忽爾如驚舞鶴羣。
陸海潘江皆錦浪，易奇詩正各丹墳。
無勞粉本摹春雪，一儘零香釀夕醺。
肉眼不知看活色，尋苔捕草漫紛紜。

蝶嬾鶯慵燕自諳，怪來春睡付朝酣。
香烟專寵今無敵，屐

齒欺紅了不慙九轉丹飛殷七七再來果前後三三含情
留得眞眞影躡上吳王八繭鸞

濫試東君清夜遊曼延初罷進藏鈎搖槌急點黃旛綽面
具妖裝聖獸頭金豆紛紜拋玉毵銀船厯亂倒香幃雙鬟
何似吟秋水雲漢胭脂浣膩流

彩雲歟倏散還休欸欸縈縈倍惹愁嫩蝶攀援疑借蔻狂
蜂輕薄詎安榴徒鑽故紙唯糟粕欲埽謔書苦拔讐一洗
青林煩夜雨白蘋碧杜亦芳洲

道傍荷鍾笑勞勞使速營邱泥似糟身世無餘鴻過雪人
天莫問雨成刀偶來震旦何人國漫展雲衣某甫臯

胡刀切

一笑自將船子棹曲終不見杳春濤

情與非情法喜圖清歡禪悅有中無不容迦葉稱初祖微
許林逋作故夫春有秋心消蟻膠躍含潛理戲驪珠知音
近託虞僧孺溪上閒吟影共癯

爲歡凡幾恨偏長九夏三秋未遽忘螢作流人悲故苑燕
如歸妾憶新粧鵲橋難乞春留巧蟾魄空圓影失香桃李
明年知別用一匙社飯好思量

崛起爭寒寒不勝春風得意忍憑陵三分無德依殘萼一
木空扶笑古藤香埽歸塗偷日射魂隨雲路矚天登青陽
王氣今陽九花史新書上墜崩

遲暮閒情看一圍衿霑疎雨涼斜暉聊過柳徑邀輕絮共
趁鞦韆競舞衣芡葉幾留耽宛轉桃飴欲惹滯霏微相逢
歧路莫相妬曾共西園聽秭歸

珊珊欲下故來遲賣眼驚飄萬片齊絳雪回風依樹急繁
星隕雨貼天低三春捲土終無計盡日何心獨向西戀萼
黏鬚無限恨懸知此去隔雲泥

狡獪蒼天可諡荒拋紅日擲萬錢忙小兒強汰閒情賦顛
史癡前藻火裳甲煎去聲香傾熏夜帳魚鐙藥炮悶陰房勾

芒倚課春功最罪過風流故態狂

車笠公欺竹柏盟翩翩故學魏收驚雕蟲投閣羞童子傳

粉全軀媿老生競賽新縑愁舊素欲芟白俗奈元輕紛紛
半入江雲去別構人間一錦城

賸粉莫矜夙習妍段師棄盡舊鷗絃穠華製改西崑體老
大名留南部烟舊愛新愁分一豔身前影後得多憐愁子
眇眇雲中子卸取徐妃半面鈿

黃紬晨放錦官衙隊伍來回靜不譁開閣朱殷添畫檠擁
堤香軟護平沙雙綏蟬翼飄輕帶百首鷄胸吐綬綱蛺蝶
胡孫勞慶弔香車明日過誰家

漫天撇地莫相嘲誰向春風得繫匏入幕髡留依畫燭同
塵顚指聽吟鞘梅交隙末損三友果筮離羣剝上爻和露

倚雲爭早晚芳蘭何事把瓊茅

芳午爭迎社燕斜參差月影亂啼鴂新虹濫賜纏頭錦蛛
網曾封繫臂紗自捉狂夫誇拂舞不知遷客怨琵琶定誰
解作微塵觀細看雙魚蹴浪花

煽豔三風如此撫濡輪曳尾胡爲乎三英秀豈留朝菌十
里山聊遠螭蛄天已喪文悲鳳鳳人皆集苑忍烏烏浮湘
特弔蓉裳客鷓鴣先鳴鵬止隅

老饕排設待煎酥鐵腳生吞氣愈麤白小禍樞延草木飛
鴻生趣在江湖脫離蛛網文亡害徼幸蜂王稅可逋猶有
餘香飄一縷怕留蹤跡索倪迂

載美千秋讓子皮錦涇娃館亦奚爲杜陵赤甲詩偏苦按
尉燕支數屢奇椒殿恩輕除閣畫雞坊人老憶園梨流鶯
喚醒櫻桃癡高座談經香雨垂

雲裾雪袂故心空剪綵鏤金莫惱公瓦雀學成雙影轉來
禽分得半腮紅夜深鐙謝收蘭燼曙月光殘捲桂叢留取
扶疎邀沆瀣膠青一色寫春融

蓮冠何礙切雲遊鳩眼無端側目愁繡口久知壓沈宋梅
羹向後任孫劉白茶紅蓼今承乏燕麥龍葵舊有秋乞我
逍遙名亦辱桑條裾惹斷雲羞

攀條不耐冶遊饒絕世幽情早自緘鶯綠尊前除卯酒猩

紅橋上謝春衫南枝先挂西歸履一葉輕飛萬里帆閉死
玉棺強葉令蛻香何似碧天函

廣落花詩三十首

禮曰廣魯於天下魯不有天下廣之以所未有也
以情廣之也跡所本無情所得有斯可廣焉夫落
悴而花榮落今而花昔榮悴存乎跡今昔存乎情
廣花者言情之都也況如江文通所云僕本恨人
者哉

惠風習習柳陰陰只此閒愁警客心昔以視今悲曲水物
猶如是奈江潯素箏如怨歌珠斷玉罍疑催燭淚深亂撲

紅顏都不省待靄華髮可知音

萬斛春膏爛似糜鎮將黃葉惱嬰兒吳王洲上英雄淚工
部潭前客子悲隙影早知同塞馬錦衣何用慕文犧平泉
過眼空苔石竹筴還堪樂鳳飢

情知不住若爲留顧我嫣然笑上頭春老無人隨少府風
欺一倍感商州寒禁荇藻憑魚計傲寄茱萸緩客愁祖綠
帝青添幾色新陰還得醉雙眸

我所思兮在桂林征鴻回翼杜鵑瘖荔丹誰遣霜風吹珊
紫長依海水深言鳥嬌能憐蔻孕舶香妬不損檀心從過
庾嶺聞羌管雨替風凌直到今

踏草情闌長綠苔南園近日賞心灰紅牙倦理迎頭拍綠
髓唯傾婪尾杯茵聚憑將揮蜀錦蠟封留取貯商彝典刑
猶在誰堪託玉茗聊看隔歲胎

春王推戴詫魁功生殺乘權速轉蓬落魄早知虧月滿取
精應悔竭春忠楊梅孔雀丹心別金谷河陽白首同新綠
可知霜刃在盡情還與逼殘紅

文舉德祖雖隕賊手所繇
與安仁季倫之殉南風遠

矣下首廣此如嵇紹
者不死晉焉可也

等是殉春亦待勘標梅難比二桃甘風流有主堪捐珮雨
涕無從得解驂萸萸兩階辭舜殿芳蘭九畹萎江潭湯陰
衣濺丹痕苦僵李徒勞代亦慙

堯階萸萸虞不復
生豈亦悲禪代耶